

「國家社會科學基金重大項目」

何建明 主編

中國地方志
佛道教文獻匯纂

人物卷

(28)

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（28）



國家圖書館出版社

府志卷第七十四

道

後漢

李崇郡人少好道林屋山人王瑋元授之以流珠丹法日子行此道亦可以出身仕宦無妨僊舉崇遂仕稍至宛陵令虎狼避去堽不入境累遷汝南太守拔書佐袁安安後位至司徒時人服其識鑒身享重官妻自紡織明帝奇之加秩中二千石在郡十四年政化爲天下最年七十四瑋元授以隱解法去入大霍山又授遁化泥丸紫戶術以度世今在華陽洞中爲左理中監准太府長史云瑋元楚莊王時人也

真誥

府典柄執法郎

真諾

淳于斟字叔顯會稽上虞人漢桓帝時作徐州縣令靈帝時太將軍辟掾少好道明術數服食胡麻黃精餌後入吳烏目山中隱居遇仙人慧車子授以虹景丹經修行得道今爲定錄

蔡經後漢人居胥門中散大夫王遠方平旣得道欲東入括蒼山過吳住經家以其骨相當仙語以要言經遂尸解去十餘年忽還家容色少壯語家人曰七月七日王君當來可多作飲食以供從官至日王君果來舉舍皆見引見經父母兄弟因遣人召麻姑頃之麻姑至乃好女子年可十八九坐定各進行厨皆金盤玉杯擘麟脯而食之麻姑云接待以來已見

東海三爲桑田向到蓬萊水又淺於往日豈將復爲陵陸乎
遂發石室八言言海中行復揚塵也麻姑欲見蔡經母及婦
等時二童縮齋數日姑見知之曰噫且止勿前卽以少許
米懸之四壁其穢視其米皆成升砂麻姑手爪似鳥經心中
忽聞背大痒持得此爪以爬背當佳也遠已知之使人牽經
至之口見鞭着經背亦莫見有人持鞭者經比舍有姓陳者
聞經家有神人乃詣門求見遠曰君心不正未可教以僊道
當以一符并一傳存君本壽自出百歲後可以禳災治病陳
後以符治病有效壽百有十歲而死其後數十年經復還家

今吳縣有蔡僊鄉云

神仙傳
蔡姑蘇志

負局先生者負磨鏡局循吳市中得一錢便輒問主人得無有疾苦否若有輒出紫丸藥以與之服者皆愈

列仙傳

晉

沈羲吳郡人學道消災治病未嘗餌藥物也與妻賈共載路逢白鹿青龍白虎車各一乘從騎滿道問羲曰君是沈羲否羲愕曰是矣騎人曰羲有功於民心不忘道少小以來履行無過今年壽將盡黃老遣仙官下迎侍郎薄延之乘鹿車者是度世君司馬生乘青龍車者是迎使者徐福乘白虎車者是卽有三仙人羽衣持節以白玉簡青玉冊丹玉字授羲羲不能識遂載羲羲昇天時道間鋤田者皆共見之忽大霧不解

失所在惟見羲所乘車牛入田食苗或以告羲家子弟恐羲
爲邪鬼所魅布人於百里之內徧索不得後四百餘年忽還
鄉里推求得數世孫懷喜懷喜曰聞先人說家有仙今其歸
耶留數十日具言初昇天時不得見帝但見老君東向坐宮
殿鬱鬱如雲氣侍者數百人多女子庭中有珠玉樹衆芝叢
生龍虎成羣遊戲其間闐琅琅如銅鐵聲不知何等四壁熠
熠有符書著之老君身形略一丈被髮文衣體有光耀須臾
數玉女持金盤玉杯來賜羲曰此是神丹飲者不死夫婦各
一杯壽萬歲又賜棗二枚大如雞子脯五寸遺羲曰暫還人
間治民疾苦若欲上來書此符著竿杪吾當迎汝乃以一符

及仙方一首賜羲羲奄忽如寐已在地上世多得其符驗云
神仙傳

楊羲者吳人好學沈厚與許先生遁許長史謐結神明之交嘗
爲公府舍人興寧三年羲年三十六衆真降焉自東岳上真
司命君等二十三人又自太和靈嬪上真左夫人等女真十
五人每旬輒數人同降高談道微幽指藥妙楊及二許史受
其詞捉筆爲書是歲六月十五日夜紫微王夫人與二神女
俱來紫微謂羲曰此太虛上真元君金臺李夫人之少女紫
清上宮九華真妃者也賜姓安成名鬱嬪字虛籛真妃又謂
羲曰我昔學真於龜臺受玉章虎錄爲上真妃遊行玉清非

不能訪搜紫童友於帝郎也直推幾任會應度歷數欲求氏族於明君非有邪也君夷質虛閑幽真內煥必簡帝躬高佐四輔理生斷死互察陰陽妄當助君綜御萬神尊制東蕃君將乘龍駕雲白日昇天此自元德上挺太極所旌不復用勲學劬勞也今人居風塵間乃多罪之下鬼趣死之朽質君奚必汲汲於人間之貴賤投身榮辱之肆哉且方交兵日會三災向臻寒衣遠逝是其時也自後數日卽衆真一降所授詩章道要義及二許所筆受者甚多華陽陶弘景論次爲書號

曰真誥

真誥

南北朝宋

卷之七十四

道

四

陸脩靜字元德郡人早通墳籍長慕神仙棲廬山白雲寺與慧
遠法師結白蓮社宋文帝表高其風作停霞寶贊使徐湛宣
旨留之不可太始三年作崇虛館通仙堂強招之使講道焉
元徽五年偃月而化春秋七十二後三日廬山諸徒見霓旌
紛然還山須臾而失未幾訃至初脩靜赴召常衣一布囊及
逝遺命囊骸投所在巖壑徒衆不忍奉之山中未至忽布囊
掛巖樹謚簡寂先生詔以所居爲簡寂觀

姑蘇志

徐靈期吳人隱衡嶽上清宮遇神人授元丹之要含日暉之法
守泥丸之道周遊海嶽採訪山洞巖壑作衡嶽記敘其靈異
言紫蓋雲密二峯皆五千餘丈雲密有禹治水碑皆蝌蚪字

梁

明真洞微真人

姑蘇志

碑下有石壇流水縈之最爲勝地紫蓋有鶴集其頂神芝靈草生焉有石室室有香爐杵臼丹竈祝融峯上有碧玉壇方五尺東有紫梨高三百尺乃夏禹所植實大如斗赤如日食之長生蒼梧王元徽元年九月九日沖真至宋徽宗朝賜號

張道裕字弘真漢天師十二代孫梁天監二年來居虞山感異

夢卽於山下建治號曰招真翬寥陽殿虛皇壇手植七檜簡

文帝改爲乾元宮通裕嘗煉大丹鑿井藏之至宋淳熙中道

士李正則浚井得丹石礧啟之化爲雙紅鴿飛入尙湖

姑蘇志

張繹字士和郡人學道講經理致深密詞端華辨當時所宗梁武帝雅相欽賞時陶弘景著法檢論明釋老二教繹復討論甚有條理弘景嘉焉專心道法居貧守約善八體書別製雲篆作茅山南洞碑甚工

姑蘇志

唐

周隱遙洞庭山道士自云角里先生之後山上有其祖角里村言其數世得道隱遙學太陰鍊形死於崖窟中屬弟子曰檢視我尸勿令他物所犯六年後再生當以衣裳衣我弟子視之初則臭穢蟲壤惟五臟不變依言閉護之至期往看身已全起坐弟子備湯沐以新衣衣之髮鬢而黑髭髯而直若獸

齋焉十六年又死如前更七年復生如此三度已四十餘年
近八十歲狀貌如三十許人隋煬帝徵至東都尋懇還本郡
唐貞觀中召至長安館於內殿問修習之道對曰臣所修者
匹夫之事功不及物帝王一言之利萬國家福得道之效速
於人臣區區所學非萬乘之所修也懇求還山尋遂其所適
仙傳拾遺又元和中令狐楚作周先生住山記云先生名
隱字息元號大元先生汝南人也貞元初游包山林屋洞
於洞西得神景觀距觀數里得毛公壇遺址至十九年冬剪
茅奠居其年月事蹟俱真拾遺不同吳郡志既採拾遺復附
楚記於後今移楚記於
古蹟而撮其大略於此

周生太和中廬於洞庭山以道術濟人吳楚人多敬之遂次廣
陵舍佛寺中會有三四客偕來時方中秋夕霽月澄且吟且

望有說開元時明皇游月宮故事因相與歎曰吾輩塵人固
不得至其所矣周生笑曰某嘗學於師亦得焉且能挈月致
之懷袂因命虛一室翳四垣不使有纖隙又命以筋數百呼
僮繩而架之且告客曰我將梯此取月去聞呼可來觀乃閉
戶久之數客步中庭伺焉忽天地曠晦仰視又無纖雲俄聞
生呼曰某至矣因開其室生日月在某衣中請客觀焉舉其
衣出月寸許忽一室盡明寒逼肌骨客再拜謝欲收其光又
閉戶其外尙昏晦食頃方如初

宣室志

柳條青者大中末乞食於蘇市嘗擊筑踏歌得錢輒飲好事者
覓其蹤終不可得歌詞中往往述長生方外事闕五六年因

大雪凍死於市市人具棺瘞於齊門之左每週日出時掌上
有紫氣高五六尺近視之無所見也後一年有處士皇甫顏
者來訪之人有示以冢處皇甫持酒脯祭之發棺得青竹杖
無他物表其冢曰咎隱柳處士墓自是不復有紫氣矣

姑蘇志

王可交崑山人居松江南趙屯村以耕釣自業常取大魚烹之
擣蒜韭以食一日棹舟擊楫江行數里間欵見彩舫漾於中
流有道士七人皆年少玉冠霞帔服色各異侍從十餘人總
角雲鬟又四人黃衣權船一人呼可交姓名不覺漁舟已近
舫側一道士令總角引可交上見七人前各有青玉盤酒器
果子皆瑩徹有光又有女妓十餘悉持樂器可交立筵末徧

魚少片記 卷十一 四
拜七人共視可交一人曰好骨相合仙骨間已矣破矣一人
曰與之酒侍者瀉酒樽中酒再三瀉之不出一人又曰與栗
喫取二栗付侍者與可交栗青赤光如棗長二寸許嚙之有
皮肉脆而甘如飴久之食方盡一人曰王可交已見之矣可
令去令一黃衣送上岸覓所乘漁舟不見黃衣曰不必舟但
合眼自到於是合眼若風水林木浩浩之聲令開眼已失黃
衣所在但見峯巒重疊松柏參天坐草中石上望見有門樓
人出入俄頃採樵者并僧十餘人到問可交何人具以前事
對又問何日離家曰今日早離家又問今日何日對以三月
三日樵與僧大驚曰今日是九月九日此是天台瀑布寺前

也僧邀可交設食可交不喜聞食氣惟飲水耳寺僧以狀白
唐興縣以達台州州以聞越州廉使王颯召見之可交身長
七尺餘儀貌殊異言語清爽颯歎曰此真僊人又以其同姓
益敬之飾以道服而遣人至蘇州詰其家具言三月三日可
交乘漁舟入江不歸家人尋得漁舟謂墮江死漉之無跡已
招魂葬訖颯具以表聞可交自食粟後卽絕穀舉止若有神
助不復耕釣挈妻子往四明山二十餘年復出明州賣藥酤
酒得錢卽以施人時皆稱王仙人藥酒道俗多圖其形像後
三十餘年却入四明山今人時有見之者

續神
仙傳

宋

東川寺志

卷七十四 道